

# MEINI PRAWF CYMERADWYO AR GYFER TGAU IECHYD A GOFAL CYMDEITHASOL, A GOFAL PLANT



**EBRILL 2018**

## Cynnwys

	<u>Tudalen</u>
<b>Cyflwyniad</b>	1
<b>Strwythur y cymhwyster</b>	2
<b>Nodau ac amcanion y pwnc</b>	2
<b>Cynnwys y pwnc</b>	3
Gwybodaeth a dealltwriaeth	3
Sgiliau	5
<b>Amcanion asesu</b>	5
<b>Cynllun asesu</b>	5

Mae hon yn **Ddogfen Reoleiddio o dan Amod B7** o'r *Amodau Cydnabod Safonol*<sup>1</sup>:  
*Cydymffurfio â Dogfennau Rheoleiddio.*

---

<sup>1</sup> <http://www.qualificationswales.org/cymraeg/cyhoeddiadau/amodau-cydnabod-safonol/>

## Cyflwyniad

Mae'r ddogfen hon yn amlinellu'r meini prawf cymeradwyo ar gyfer y cymhwyster TGAU Iechyd a Gofal Cymdeithasol, a Gofal Plant. Datblygwyd y rhain yn dilyn ymgysylltu â rhanddeiliaid. Maent yn cynnwys y gofynion y mae'n rhaid i gorff dyfarnu eu bodloni wrth ddatblygu manyleb a deunyddiau asesu'r cymhwyster.

Daw'r meini prawf cymeradwyo yn y ddogfen hon i rym o fis Ebrill 2018.

Ym mis Mawrth 2017, cyhoeddodd Cymwysterau Cymru benderfyniad i gyfyngu ar gyfres newydd o gymwysterau ym maes Iechyd a Gofal Cymdeithasol a Gofal Plant<sup>2</sup> i'w haddysgu ar raglenni dysgu a ariennir gan arian cyhoeddus yng Nghymru. Mae'r gyfres hon yn cynnwys y cymhwyster TGAU Iechyd a Gofal Cymdeithasol, a Gofal Plant. Cyfyngir ar yr holl gymwysterau yn y gyfres am gyfnod o bum mlynedd o 1 Medi 2019 er mwyn sicrhau mai dim ond un fersiwn ohonynt sydd ar gael. Mae hyn yn golygu mai dim ond un corff dyfarnu a all ddyfarnu pob cymhwyster. Yn dilyn proses gaffael deg a thryloyw a gynhaliwyd rhwng mis Ionawr 2017 a mis Awst 2017, mae Cymwysterau Cymru wedi llunio contract â chonsortium sy'n cynnwys City and Guilds of London Institute a CBAC i ddatblygu a chyflwyno'r holl gymwysterau yn y gyfres.

Dim ond cymhwyster sy'n bodloni'r holl ofynion a nodir yn y ddogfen hon, ynghyd â'r rhai a nodir yn y *Meini Prawf Cymeradwyo Cymwysterau TGAU*<sup>3</sup>, yr *Amodau Cydnabod Safonol*<sup>4</sup> a'r *contract consesiwn a ddyfarnwyd*, y bydd Cymwysterau Cymru yn ei gymeradwyo. Wrth ddatblygu'r cymwysterau i fodloni'r gofynion hyn, rhaid i gyrff dyfarnu ystyried *Fair Access by Design*<sup>5</sup> (cyhoeddiad Saesneg yn unig).

Pan fo gofynion y Meini Prawf Cymeradwyo Pwnc a nodir yn y ddogfen hon yn wahanol i'r rhai a nodir yn y *Meini Prawf Cymeradwyo Cymwysterau TGAU* a'r *Amodau Cydnabod Safonol*, y gofynion yn y ddogfen hon fydd drechaf.

Mae'r rhesymeg sy'n ofynnol yn y ddogfen hon yn ychwanegol at y rhesymeg sy'n ofynnol yn y *Meini Prawf Cymeradwyo Cymwysterau TGAU*.

Bydd y cymhwyster hwn ar gael i'w addysgu am y tro cyntaf o fis Medi 2019, a'r cyfle cyntaf i'w achredu'n llawn fydd yn ystod haf 2021.

---

<sup>2</sup> <http://qualificationswales.org/media/2534/230517-determination-to-restrict-hsc-final-w.pdf>

<sup>3</sup> <http://qualificationswales.org/media/1915/gcse-welsh.pdf>

<sup>4</sup> <http://www.qualificationswales.org/cymraeg/cyhoeddiadau/amodau-cydnabod-safonol/>

<sup>5</sup> <http://gov.wales/docs/dcells/publications/150727-fair-access-by-design-en.pdf>

## **Strwythur y cymhwyster**

1. Rhaid i fanyleb TGAU Iechyd a Gofal Cymdeithasol, a Gofal Plant roi'r dewis i ddysgwyr o astudio ar gyfer naill ai gymhwyster gradd unigol neu gymhwyster dwyradd.
2. Dylai un o'r canlynol ymddangos ar dystysgrifau fel teitl y cymhwyster, gan ddibynnu ar ba gymhwyster, gradd unigol neu ddwyradd, yr astudiwyd ar eu cyfer:
  - 2.1. TGAU Iechyd a Gofal Cymdeithasol, a Gofal Plant  
neu
  - 2.2. TGAU Iechyd a Gofal Cymdeithasol, a Gofal Plant (Dwyradd)

## **Nodau ac amcanion y pwnc**

3. Rhaid i fanyleb TGAU Iechyd a Gofal Cymdeithasol, a Gofal Plant alluogi dysgwyr i wneud y canlynol:
  - 3.1. datblygu a chymhwyso gwybodaeth, dealltwriaeth a sgiliau at faterion cyfoes mewn amrywiaeth o gyd-destunau ym maes iechyd, gofal cymdeithasol a gofal plant;
  - 3.2. mynd ati i astudio iechyd, gofal cymdeithasol a gofal plant er mwyn datblygu fel dysgwyr effeithiol ac annibynnol ac fel meddylwyr beirniadol a myfyriol â meddyliau ymholgar;
  - 3.3. gwerthfawrogi amrywiaeth o safbwyntiau ar yr effaith y mae gwasanaethau iechyd, gofal cymdeithasol a gofal plant yn ei chael ar y gymdeithas ehangach;
  - 3.4. ystyried sut y dylai ymarfer iechyd, gofal cymdeithasol a gofal plant fod yn foesebol a chefnogi system iechyd a gofal gynaliadwy;
  - 3.5. datblygu a chymhwyso sgiliau sy'n berthnasol i faes iechyd, gofal cymdeithasol a gofal plant gan gynnwys defnyddio a dehongli data;
  - 3.6. datblygu ymwybyddiaeth o lwybrau gyrfa sydd ar gael ym maes iechyd, gofal cymdeithasol a gofal plant.

## **Cynnwys y pwnc**

4. Rhaid i gynnwys manyleb TGAU Iechyd a Gofal Cymdeithasol, a Gofal Plant adlewyrchu nodau ac amcanion y pwnc.

## **Gwybodaeth a dealltwriaeth**

5. Rhaid i fanyleb TGAU Iechyd a Gofal Cymdeithasol, a Gofal Plant (gradd unigol neu ddwyrradd) ofyn i ddysgwyr ddangos gwybodaeth am y meysydd pwnc canlynol, a dealltwriaeth ohonynt:

### **5.1. Twf, datblygiad a lles dynol**

Rhaid i fanyleb TGAU Iechyd a Gofal Cymdeithasol, a Gofal Plant ofyn i ddysgwyr astudio twf, datblygiad a lles yr unigolyn drwy gydol ei fywyd, gan gynnwys y canlynol:

- 5.1.1. datblygiad dynol drwy gydol y cylch oes;
- 5.1.2. cerrig milltir datblygiadol rhwng 0 a 19 oed a sut mae plant yn dysgu;
- 5.1.3. cyd-ddibyniaeth rhwng iechyd corfforol da ac iechyd meddwl da;
- 5.1.4. iechyd cymdeithasol, emosiynol a deallusol gan gynnwys meddylfryd twf, ymwybyddiaeth ofalgar a gwydnwch;
- 5.1.5. pwysigrwydd cyfranogiad gweithredol i ddatblygiad a lles;
- 5.1.6. ymyrryd ac atal yn gynnar er mwyn hyrwyddo a chefnogi twf, datblygiad a lles.

### **5.2. Hyrwyddo a chynnal iechyd a lles**

Rhaid i fanyleb TGAU Iechyd a Gofal Cymdeithasol, a Gofal Plant ofyn i ddysgwyr astudio'r gwaith o hybu a chynnal iechyd a lles, gan gynnwys y canlynol:

- 5.2.1. fframweithiau deddfwriaethol cenedlaethol sy'n hybu ac yn cefnogi iechyd a lles;
- 5.2.2. yr amrywiaeth o wasanaethau a'r mathau o ddarpariaeth sydd ar gael er mwyn hybu a chynnal iechyd a lles drwy gydol y cylch oes;
- 5.2.3. hybu iechyd cyhoeddus ac iechyd drwy gydol y cylch oes;
- 5.2.4. dylanwadau ar iechyd a lles da drwy gydol y cylch oes;
- 5.2.5. risgiau i iechyd a lles.

6. Rhaid i fanyleb TGAU Iechyd a Gofal Cymdeithasol, a Gofal Plant (dwyradd) ofyn i ddysgwyr ddangos gwybodaeth am y meysydd pwnc canlynol, a dealltwriaeth ohonynt:

**6.1. Iechyd a gofal cymdeithasol a gofal plant yn yr 21ain ganrif**

Rhaid i fanyleb TGAU Iechyd a Gofal Cymdeithasol, a Gofal Plant ofyn i ddysgwyr astudio iechyd, gofal cymdeithasol a gofal plant yn yr 21ain ganrif, gan gynnwys y canlynol:

- 6.1.1. cydraddoldeb, amrywiaeth a chynhwysiant, gan gynnwys y Gymraeg a diwylliant Cymru;
- 6.1.2. diogelu;
- 6.1.3. materion cyfoes ym maes iechyd a gofal cymdeithasol;
- 6.1.4. cefnogi system iechyd a gofal gynaliadwy;
- 6.1.5. iechyd, datblygiad a lles cyfannol gan gynnwys ymyrryd ac atal yn gynnwys a gweithio mewn ffordd sy'n canolbwyntio ar y person/plentyn;
- 6.1.6. pwysigrwydd gwasanaethau dan arweiniad dinasyddion, cyd-gynhyrchu a lleisio barn ar iechyd, gofal cymdeithasol a gofal plant yn y 21ain ganrif a'u rheoli.

**6.2. Hyrwyddo a chefnogi iechyd a lles i sicrhau canlyniadau cadarnhaol**

Rhaid i fanyleb TGAU Iechyd a Gofal Cymdeithasol, a Gofal Plant ofyn i ddysgwyr astudio'r gwaith o hybu a chefnogi iechyd a lles i sicrhau canlyniadau cadarnhaol, gan gynnwys y canlynol:

- 6.2.1. sut mae iechyd cyhoeddus, gofal cymdeithasol, gofal plant a'r gwasanaeth iechyd wedi gwella iechyd a lles y genedl;
- 6.2.2. sut y gall mathau o ofal ddiwallu anghenion unigolion a'u cefnogi i sicrhau canlyniadau cadarnhaol;
- 6.2.3. effaith iechyd, gofal cymdeithasol neu ofal plant ar y gymdeithas ehangach;
- 6.2.4. cefnogi hunaniaeth, hunan-barch, ymdeimlad o fod yn ddiogel a gwydnwch drwy gydol y cylch oes;
- 6.2.5. manteision ymgysylltu mewn gweithgareddau ystyrllon a chreadigol.

*Rhesymeg Ofynnol: ar ôl cyflwyno'r fanyleb TGAU, bydd angen i'r corff dyfarnu esbonio hyd a lled y cynnwys a asesir ym mhob uned.*

## Sgiliau

7. Rhaid i fanyleb TGAU iechyd a Gofal Cymdeithasol, a Gofal Plant ofyn i ddysgwyr ddangos y gallu i wneud y canlynol:
  - 7.1. cyfleu gwybodaeth a dealltwriaeth yn briodol yn ôl y gynulleidfa;
  - 7.2. ystyried a gwerthuso'r dulliau o ddarparu gwasanaethau iechyd, gofal cymdeithasol a gofal plant a sut maent yn effeithio ar iechyd a lles;
  - 7.3. ymchwilio i wybodaeth a'i chyflwyno mewn ffordd systematig gan ddefnyddio'r derminoleg briodol.

*Rhesymeg Ofynnol: ar ôl cyflwyno'r fanyleb TGAU, bydd angen i'r corff dyfarnu esbonio sut y bydd cynnwys y pwnc yn helpu dysgwyr i ddatblygu'r sgiliau ym mharagraff 7.*

## Amcanion asesu

8. Rhaid i'r asesiad o'r wybodaeth, y ddealltwriaeth a'r sgiliau sy'n ofynnol yn y fanyleb dargedu'r amcanion asesu canlynol yn unol â'r pwysoliadau a nodir:

Amcan	Gofynion	Pwysoliad
AA1	Dangos gwybodaeth am gysyniadau, gwerthoedd a materion datblygu ym maes iechyd, gofal cymdeithasol a gofal plant, a dealltwriaeth ohonynt.	O leiaf 30%
AA2	Cymhwysu gwybodaeth am gysyniadau, gwerthoedd a materion datblygu ym maes iechyd, gofal cymdeithasol a gofal plant, a dealltwriaeth ohonynt, mewn amrywiaeth o gyd-destunau perthnasol.	O leiaf 40%
AA3	Dadansoddi a gwerthuso cysyniadau, gwerthoedd a materion ym maes iechyd, gofal cymdeithasol a gofal plant, gan lunio barn resymedig a dod i gasgliadau.	O leiaf 25%

## Cynllun asesu

9. Rhaid i fanyleb TGAU iechyd a Gofal Cymdeithasol, a Gofal Plant gydbwysu amcanion asesu rhwng yr asesiadau gwahanol yn y cymhwyster.

10. Bydd 40% o TGAU Iechyd a Gofal Cymdeithasol, a Gofal Plant yn cael ei asesu drwy arholiad(au).
11. Nid cyfres arholiadau'r haf yw'r unig amser y gellir asesu drwy arholiad(au).
12. Bydd 60% o bwysoliad asesu manyleb TGAU Iechyd a Gofal Cymdeithasol, a Gofal Plant wedi'i ddyrannu i asesiadau nas cynhelir drwy arholiadau.
13. Rhaid i asesiadau nas cynhelir drwy arholiadau gael eu cynllunio a'u gosod fel y cânt eu cwblhau dan amodau a bennir gan y sefydliad dyfarnu, gan gynnwys, yn benodol, amodau sy'n sicrhau y gall y dystiolaeth a gynhrychir gan bob dysgwr gael ei dilysu.
14. Ni ddylai TGAU Iechyd a Gofal Cymdeithasol, a Gofal Plant fod yn haenog.
15. Rhaid i TGAU Iechyd a Gofal Cymdeithasol, a Gofal Plant fod yn unedol.

Rhesymeg Ofynnol: ar ôl cyflwyno'r fanyleb TGAU, rhaid i'r corff dyfarnu esbonio:

- *sut y gellir sicrhau y bydd asesiad nas cynhelir drwy arholiad yn ddilys, yn ddibynadwy ac yn hawdd ei reoli;*
- *unrhyw benderfyniad i gynnig asesiad drwy arholiad(au) mewn unrhyw gyfres arholi arall ar wahân i gyfres yr haf;*
- *y ffordd y caiff gradd unigol neu ddwyrawd ei dyfarnu.*

**Rhagor o  
wybodaeth**

Dylid cyfeirio ymholiadau ynglŷn â'r ddogfen hon at:

Ymholiadau  
Cymwysterau Cymru  
Adeilad Q2  
Lôn Pencarn  
Parc Imperial  
Coedcernyw  
Casnewydd  
NP10 8AR  
[ymholiadau@cymwysteraucymru.org](mailto:ymholiadau@cymwysteraucymru.org)